

## БӨЛІМ: ЖАЛПЫ РУБРИКА

## 1-қыркүйек - білім күні

ЖАРИЯЛАНДЫ  
15.01.2025СІЛТЕМЕ  
https://bilimger.kz/174935/

## Алматы облысы

## Еңбекшіқазақ ауданы

## Қызылшарық ауылы

## «Балдәурен» балабақшасы

## Тәрбиеші: Колбасова Шынар Серикбаевна

## 1-Қыркүйек білім күніне тәрбие сағаты

1 — қыркүйек - білім күні

**Мақсаты:** Балаларға 1 — қыркүйек күні - білім күні жайында түсінік беру. Өз туған елдеріне, жерлеріне, балабақшасына сүйіспеншілікке тәрбиелеу. Контакттытырып сөйлеуге, сөйлем құра білуге үйрету.

Көрнекі — құралдар: Қазақстан Республикасының рәміздері, суреттер.

Әдіс — тәсілдер: көрнекілік, сөздік, сұрақ — жауап.

**Барысы:**

I. Кіріспе бөлім.

Мемлекеттік Гимн орындау.

**Тәрбиеші:** Балалар, бүгін бізде ерекше күн, бүгінгі сабағымыз біздің білім күніне, бірінші қыркүйек күніне арналған. 1 — ші қыркүйек күні барлық балабақшаларда, мектептерде басқа да білім беру мекемелерде сабақтар басталады. Бұл күн сендер үшін, яғни оқушылар үшін және біздер үшін, ұстаздар үшін үлкен мереке күні болып саналады. Әр бір мектептерде, балабақшаларда, басқа да білім беру мекемелерде тұңғыш қоңырау соғылады (тәрбиеші қоңырау соққан баланың суретін көрсетеді).

Осы тұңғыш қоңыраудан бастап күнделікті оқу басталады. Балалар, жақсы, білімді, тәрбиелі азамат болу үшін, ерінбей оқу оқып, білім алу керек. Ол үшін сендер балабақшаға күнде келіп, сабақ оқып, тәрбие алу керексіңдер.

Балалар, біз ересек тобында оқу оқығанда біздің Қазақстан Республикасының рәміздері жайында білім алғанбыз, ендеше есімізге түсірейікші, біз қандай Қазақстан Республикасының рәміздерін білеміз.

(балалардың жауабын тыңдау)

Тәрбиеші: Дұрыс. Гимн, Елтаңба, Ту.

Балалар, айтыңдаршы, біз қай Республикада тұрамыз?

Балалар: Біз Қазақстан Республикасында тұрамыз.

Тәрбиеші: Дұрыс. Қазақстан Республикасының президенті кім?

Балалар: Қасым-Жомарт Кемелұлы Тоқаев.

Тәрбиеші: Өте жақсы. Біздің Қазақстан Республикасының елордасы қай қалада?

Балалар: Қазақстан Республикасының елордасы Астана қаласы.

Тәрбиеші: Өте жақсы балалар. Айтыңдаршы, біз қай ауылда туып, өмір сүріп жатырмыз?

Балалар: Біз Қызылшарық ауылында туып, өмір сүріп жатырмыз.

Тәрбиеші: Балалар, айтыңдаршы, біздің балабақшамыздың аты қалай?

Балалар: «Балдәурен» бақшасы.

Тәрбиеші: Өте жақсы балалар. Сендер өздеріннің Республикаларын, Рәміздер жайында, елорда жайында барлығын білесіңдер. Ал, балалар, енді бізге Әл Фараби атты баламыз Отан туралы тақпақ айтып бергісі келеді.

II. Негізгі бөлім.

### **Әл Фараби:**

Отанды біз атамекен деп аялап атаймыз.

Өйткені оны мекен еткен, бабамыз бен атамыз.

Отанды әркім анасындай, қастерлейді бағалап

Өйткені Отан анасындай, бізді өсірер аялап.

**Тәрбиеші:** Міне, осындай тату тәтті, бақытты мемлекетте біз өмір сүріп жатырмыз. Ендеше біз бүгінгі мерекеге арналған өлең тақпақтарымызбен сабағымызды жалғастырайық.

### **Мұрагер:**

Білім алған өзіңнен, дәрігер, ұшқыш не ғалым.

Саған ыстық сезіммен, қарайды жұрт, мұғалім.

Мен де өзіңді әрдайым, қамқорым деп ұғамын

Күліп атқан таңдасың, жарқыңсың сен, мұғалім.

### **Азамат:**

Қыркүйектің бірінде, кеудем толы дірілге

Құлақ түйем елеңдеп, «Бақша» деген бір үнге.

### **Назым:**

Сәлем саған балабақшам, алтын ұям сүйікті

Сен әпердің білікті, сенен өсіп көктедім.

### **Балалардың орындауында ән «Біздің балабақша».**

### **Аңсар:**

Келгенімде алдыға, қызыл арай гүл алып

Жақын тартып жаныға, шәкіртім деп қуанып.

Балалармен суреттер бойынша әңгімелесу.

**Ойын: «Менің сүйікті балабақшам».**

Мақсаты: Балалардың сөздік қорын байыту, байланыстырып сөйлеуге үйрету, өз туған жерлеріне, елдеріне, балабақшаларына деген сүйіспеншілікке тәрбиелеу.

**Ұлдана:**

Сәлем саған балабақшам, алғыстарым көп менің.

Оқу, білім, тәрбие, ой санама еккенің.

**Асылым:**

Балабақшам – айтар әнім, сан рет қайталадым.

Өзіңнен алғанымды, өзіңе қайтарамын.

III. Қорытынды бөлім.

Тәрбиеші: Міне, балалар, осы күннен бастап бізде күнделікті , қызықты да көп нәрсеге үйренетін күндеріміз басталды.

Әрқашан бүгінгідей жақсы көңілмен, барлығын үйренеміз деген мақсатпен балабақшаларыңа келулеріңе тілектеспін. Бүгінгі сабаққа жақсы қатысқандары үшін көп рахмет. Бүгінгі 1 — ші қыркүйек – білім күніне арналған тәрбие сағатымыз осымен аяқталды.

**ҚМ АА** Қуәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimgger.kz** Ақпараттық-танымдық білім порталы. Барлық мазмұн авторлық құқықпен қорғалған.